

**SIPA**

U Sarajevu uhapšen bivši proslavljeni bokser

Peljtu sumnjiče za ratne zločine

Mensur Peljto suprotstavio se četničkoj formaciji iz Bijeljine koja je pomagala „Crvenim beretkama“, tvrdi Faruk Balijagić

Policijski službenici Državne agencije za istrage i zaštitu (SIPA) jučer su, po naredbi Tužilaštva Distrikta Brčko, na području Sarajeva uhapsili Mensura Peljtu, bivšeg proslavljenog bh. boksera.

Ovu informaciju potvrdio nam je i Faruk Balijagić, advokat uhapšenoga.

Peljto je uhapšen zbog postojanja osnovna sumnje da je počinio ratni zločin protiv civilnog stano-

vništva i ratni zločin protiv ratnih zarobljenika na području Brčkog, gdje je i živio prije početka agresije na BiH.

Balijagić tvrdi da je riječ o neviđenom nonsensu brčanske politike i pravosuđa.

- Peljto se suprotstavio četničkoj formaciji iz Bijeljine koja je pomagala „Crvenim beretkama“ da pokolju nesrpsko stanovništvo. Nije on nikakav zločinac. On je

branio svoje komšije. Špasio je živote na stotine ljudi koje je prebacio u Hrvatsku - kaže Balijagić.

On tvrdi da vlasti i pravosuđe u Brčkom hapse ugledne bh. sportiste dok, s druge strane, godinama ne žele sankcionirati odgovorne za brojna ubistva Bošnjaka u tom gradu.

- Oni žele zaštititi odgovorne za neviđene zločine u Brčkom i one koji to kriju, a hapse nedužne građane - kaže Balijagić.

M. Aš.



Peljto: Priveden u Sarajevu

Iz SIPA-e je saopćeno da će nakon kriminalističke obrade u službenim prostorijama SIPA-e, Peljto biti predat na daljnje postupanje Policiji Distrikta Brčko.